

P Rincipum moribus intendere, & quæ illis saluo decore placeant excogitare, non inutile consilium egenti, quod si vnquam clarissimè diebus nostris apparuit, sub Ioanne xxii. Rom. Pont. Homo perstudiosus, & vehementioris animi, hinc lectioni librorum inhiabat, illic similtates acerbæ & inextricabiles agens cum Imperio Romano, alteram vitæ partem huic studio deuouerat. Cæterum cum à legendo & senium & curarum varietas retardaret, gratissimus erat illi, quisquis defloratos vt propriè dicam libros, sub breuiloquio perstringeret redigeretque in eas quas tabulas vocant, in quibus omne quod ex libris quæreretur facillimum esset inuentu. Rursus affectu alio impulsus, nihil cupidius audiebat, quàm rumores ex Italia Germaniæque: has enim ante alias supra stomachum gerebat, quibus audiendis, siue veri siue nihil ad rem modò læti essent, atque magnifici, mirum in modum creduli senis incensum pectus mulcebatur. His duabus igitur viis, multos eo tempore vidimus, ab extrema inopia, raptim ad mag-